



# Tir Yimiyim

www.tiryimiyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimiyim@gmail.com

TAPAK 10 Yangia anidakangma : Tir Yimiyim tiryimiyim@aolima tir yimiyim TAPAK 7



### Tottenham-i Mourinho mapa nungi anentsü



### Mamata-i EC dang election shilem asemprong khenyongi agitsü mepishi

VOL. XVIII NO. 185 (ADOK 185) DIMAPUR

SANGTENNÜ (TUESDAY)

RONGCHII (APRIL) 20, 2021

₹ 5.00

## COVID-19 Nagaland: Nisung 13 dak putet

**Kohima, April 19 (TYO):** Nagaland nung Hombarnü nisung 13 dak COVID-19 aliba putet aser parnok züngsema nisung ajak agi 12,568 kümogo. "Tanü nisung 13 dak COVID-19 putet. Parnokji Dimapur nung nisung 12 aser Kohima nung 1 lir" ta Health & Family Welfare Minister S Pangnyu Phom-i metetdaksü. Nisung 12,568 rongnungi 12,110 taneptsü nguogo aser tang 189 anepaludar, ta paisa ashi.

"Nagaland nung COVID-19 nungi taneptsü angubaji 96.35% lir," ta State Nodal Officer for Integrated Disease Surveillance Programme, Dr Nyanthung Kikon-i ashi.

COVID-19 puteter nisung 94 asü saka parnok 10 bo tanga timtem ajanga asü. Külén, nisung 175 tashi tanga state temi ogo, ta paisa metetdaksü.

Tang anepalurtem rongnung nisung 19 dak shirangba yimya

## Nagaland Governor-i arogo lennirtem den COVID-19 tebilemtsü lemsatep

**Dimapur, April 19 (TYO):** April 19, 2021 nü Governor R.N. Ravi-i Nagaland nung Arogo lennir balala den COVID-19 wara atema senden ka ayonga menogo.

Iba sendenji Dr. Imkongliba Hall, Raj Bhavan Kohima nung agi aser Nagaland Governor RN Ravi-i arogo lennirtem dang Covid-19 wara nungi nübortem kümzüksü atema inyaksü ayongzük.

"Iba ama tensa balaka nung nenoki tongti shilem agitsüla" ta paisa ashi. Paisa linük aser state nung COVID tensa indang indang lemsatep.

Arogo lennirtemi nübortem

## Gauhati High Court-i tetuyuba tasen agütsür

**Guwahati, April 19 (Agencies):** COVID-19 kanga putetba ajanga Gauhati High Court nung Chief Justice-i Hombarnü tetuyuba kar agütsüogo.

GHC nung Judge Justice HK Sarma aser pa kinungtsü na dak COVID-19 putetba sülen iba tetuyuba agütsü ta osang angazüker.

Iba tetuyuba tasen ya Gauhati High Court, Kohima, Aizawl o Itanagar bench tem aser Assam, Nagaland, Mizoram o Arunachal Pradesh

terara lir saka parnok 170 dakbo tajitetts kecha mali, ta Dr Kikon-isa ashi.

Nagaland nung COVID-19 alitsü akok ta temolung meleme bilemba sample 1,40,601 tendangogo. RT-PCR ajanga sample 76,329, TrueNat ajanga 37,753 aser Rapid Antigen Test ajanga 26,519 tendangogo.

Deobar tashi nung Nagaland nung nisung 1,15,392 nem covishield indang dose 1,47,862 agütsüogo, ta State Immunization Officer Dr Ritu Thurr-i metetdaksü.

Vaccine agirtemji frontline workers 42,634, healthcare workers 13,353, teintet rogo 310,36 aser arishi küm 45 ser temapur 28,369 lir, ta paisa ashi.

Parnok rongnungi frontline workers 20,893, healthcare workers 9,094, teintet rogo 1,689 aser arishi küm 45 ser temapur 794 tashi dose anaprong agiogo, ta Dr Thurr-isa metetdaksü.

dang COVID-19 tayongzükbatem meteta lidaktsütsü aser COVID-19 inyakyim beshitsü atema osang prokshitsü ayongzük, ta Governor Ravi-isa ashi.

"Olulu balala prokshika nisungtemi vaccine agitsüla. Arogo lennirtemi vaccine agitsüpurtem dang vaccine agitsü atema ajungmesotsüla, kechiyong linük nung vaccine kanga ajema agiba state tem rongnung Nagaland dena lir," ta paisa metetdaksü.

Senden nung Arogo lennirtemia parnok tebilembatem metetdaksü aser itemji Governor-i sorkar dangi abentsü ta ashi.

nung okadak ajak nung beshitsü.

Okadak nisung o nisung tsüngda tepila ayutsü atema inyaksangshi ajemtsü. Administrative officer (Judicial) nungi shir teküpok staff 50% lemsatsü aser parnok anogo melentepa office-i arutsü, ta GHC nung Chief Justice-i tetuyuba agütsü.

Okadak ketdangsurtem aser staff ajaki teti face masks enoktsü aser tangar shinga okadak telungi maitdaksütsü ta paisa metetdaksü.

## Nagaland nung Class 1 nungi 8 tashi school shibanger

**Dimapur, April 19 (TYO):** Nagaland nung nisung aika dak COVID-19 kanga putetba ajanga sorkari class I nungi VIII tashi school ajak shibangtsü tetuyuba agütsüogo.

"Tanü nung Nagaland nung kindergarten/pre-primary class atema school ajak shibangtsü" ta Nagaland Chief Secretary J Alam, IAS-i sangdong ka nung metetdaksüogo.

## Kohima district nung COVID-19 SOPs akangshir

**Dimapur, April 19 (TYO):** Kohima district nung COVID inyakyim akangakanga beshitsü ta Deputy Commissioner Gregory Thejawelie NCS-i tanü metetdaksüogo.

Kohima district nung nisung ajaki face mask enoktsü aser nisung o nisung tsüngda tepila ayutsü, ta paisa ashi.

Kohima district nung lokti, shisaliok, sobaliba, yimtenren mesüra tamangba yimsü sentong ayongertemi COVID inyakyim sülen anidaktsüla aser mask enoktsüla, ta Kohima DC-isa metetdaksü.

Maneni, dokantem, shishilembadak, restaurants, hotels, sorkar aser nija office tem, shisaliok aser tamangba yimsü rejutem aser public

## May 1 nungi arishi küm 18 ser temapurtem COVID-19 vaccine agitsü

**New Delhi, April 19 (Agencies):** May 1, 2021 nungi India nung arishi küm 18 ser temapur ajaki COVID-19 vaccine agitetsü.

Hombarnü Prime Minister Narendra Modi menden ser senden amendang Centre-i iba telemtetba agiogo.

"Sorkari tesüiba küm ka tashi India nung arishi küm 18 ser temapur ajaki COVID-19 vaccine agitetsü atema mapa inyaka arur" ta PM Modi-i senden nung ashi.

May 1, 2021 nungi "Liberalised and Accelerated Phase 3 Strategy of the National Covid-19 Vaccination program" nung vaccine yanglurtemi

## Assam nung Army-i tensa ajungdak toktsür aoer

**Guwahati, April 19 (Agencies):** Assam nung tensa tajungba akümba tesemtem nungi Indian Army sepaitem aniener.

"Tesüiba küm aika Assam nung telungpur khuret kanga ajurua aruogo. Iba jagi Indian Army-i tesem aika kanga junga nüka arur. Lia arudang telungpur khuret agi kongshia aliba district aika nung tensa tajungba kümogo" ta army ketdangsur kati ashi.

Army-i South Salmara nung

Nagaland nung school temi online ajanga class maneni agitsü akok aser COVID-19 inyakyim beshia tanga maparen inyaksü akok ta paisa ashi.

Ajisüaka, class 9 nungi 12 tashi SOPs beshia class agitsü, ta Nagaland Chief Secretary-isa metetdaksü.

COVID-19 menatepba aziüoktsü Standard Operating Procedures (SOPs) beshia tang

transport nung COVID inyakyim beshitsüla, ta paisa shisem.

Containment Zone nung madenba tesemtem nung nisung 50% mesüra 200 tashi adenshitsu melar. Lokti sentongtem nung Thermal Screening amshitsüla aser kima nung nisung 200 tema adenshitsu kümra District Task Force (DTF) nungi temelaba meshitsüla. Temelabaji warroomkohima@gmail.com mesüra 8413097970 ajanga e-mail/ WhatsApp meshitsü akok.

Iba tetuyuba sülen manidakertem Disaster Management Act 2005, Epidemic Disease Act, 1897 aser IPC kübok arrla balala ajanga merenshitsu, ta Kohima Deputy

Central Drugs Laboratory (CDL) indang dose 50% tashi India sorkar nem agütsütsü.

Ano, vaccine yanglurtemi tanungba dose 50% ji state sorkar aser open market nung supply asütsü.

May 1 matongdang vaccine yanglurtemi 50% supply atema jenjang metetdaksütsüla aser iba jenjang nungji ajemdaker state sorkartem, nija mozükitem, industry temi vaccine alitsü akok.

India sorkar indang vaccination centre tem nung akhi ama Health Care Workers (HCWs), Front Line Workers (FLWs) aser arishi küm 45 ser temapur nem vaccine agütsütsü.

aser ano Mankachar nung tesep amenoka alibatem azüngtetogo ta osang angazüker.

"Onoki tesep azüngtetogo aser tang nungi local civil administration aser security forces-i ketdangsu aotsü" ta army ketdangsurisa metetdaksü.

"Company Operating Base nungi sepaitem aodang iba temeket nung alirtem aser Ex-servicemen aden. Nüboritemi tesep toktsür aoba pelaa agizükogo aser district nung

tagidak High School Leaving Certificate (HSLC) aser Higher Secondary School Leaving Certificate (HSSLC) tatidang agitsü, ta paisa metetdaksü.

Nagaland state sorkari March 16, 2021 aser February 1, 2021 anogotem residential school tem dena school ajak lapoktsü temelaba agütsüba ajak meyipa agir, ta Nagaland Chief Secretary-isa ashi.

Commissioner-isa metetdaksü. DC COMPLEX KOHIMA ATEMA METETDAKTSÜR:

Gregory Thejawelie NCS-isa tanga sangdong ka nung Deputy Commissioner, Kohima Complex-i arur ketdangsurtem, staff aser tangar ajaki mask enoktsü, tepila ayutsü aser teka merüka ayutsü tetuyuba agütsüogo.

Deputy Commissioner complex-i handicraft, ticket, calendars, badges ayokertem shinga marutsü aser temelaba aliba garitem dang aitdaksütsü, ta paisa ashi.

Bodbar anogotem Kohima Deputy Commissioner nung rongdak nungdak kar melira public interview malitsü, ta Gregory Thejawelie-isa ashi.

Tesüiba ghonda 48 tsüngda Prime Minister Narendra Modi-i minister tem aser sorkar ketdangsurtem den senden aika menogo.

Iba mapang pai COVID-19 wara dang masü saka vaccines, oxygen cylinders aser vaccination policy indang onüktem benoka olemtepo.

Tesüiba ghonda 24 tsüngda India nung nisung lakh 2.7 den timba dak Covid putetogo. Tesüiba anogo pungu nung anogoshia nisung lakh 2 tema dak Covid putetyonga arur aser April 7, 2021 nungi tenzüker anogoshia nisung lakh 1 tema dak putetyonga aruogo.

Army-i yimjung bener arutsüba pelaba metetdaksüogo" ta paisa ashi.

Ajisüaka, Assam Governor Jagdish Mukhi-ibo February 25, 2021 nü ita trok atema Assam ajunga 'Disturbed Area' ta sangokja lir.

Northeast nung telungpurtemi sepaitem amakba aser Assam kübok tesem balala nung prangpong-injangtem apuba ajanga 'Disturbed Area' sangoktsü ta sorkar ketdangsurtemi ashir.

# Mokokchung nung IHCI sentong tenzükogo



Latakrü Park nung Rev Atha Neikha, pa kinungtsü aser Latakrü Whemi nungi züngsemtem tangokba noksa ka yangi angur.

**Dimapur, Rongchii/April 19 (TYO):** Indian Council of Medical Research (ICMR) aser Chief Medical Officer Office Mokokchung lungjemer IDSP Conference Hall, Chief Medical Officer, Mokokchung nung April 19, 2021 nü India Hypertension Control Initiative (IHCI) sentong tenzükogo. Sentong tenzükoga Dr. Chubala Aier, Chief Medical Officer, Mokokchung ajanga sentong nung adener

pelashishia agizüka liasü. IHCI atema Mokokchung district ya 'work station' ka ama shimtetba atema lai ICMR aser Directorate of Health & Family Welfare, Kohima dang pelaba lemsatepa liasü.

Sentong nung Dr. Mohamed Jainul Azarudeen, Consultant NIE (ICMR), Chennai and Dr. Shubhabrata Das, Consultant (Medical) ICMR, Northeast region IHCI nati IHCI aser high blood pressure alakteta aliba putettsü aser anepalutsü indang rasaa ashi.

Iba sentong lapokba sülen doctor tem atema asemnü training sentong ka April 19 nü tenzükoga liasü.

Nurses/CHOs aser Pharmacist/danga staff tem asoshi iba training ya April 20 aser April 21, 2021 anogotem agitsü.

# Tai maket nisung pua aliba tekeratiba nung chioktsüla: WSYF

**Dimapur, Rongchii/April 19 (TYO):** Western Sumi Youth Front ajanga sangdong ka nung, nisung tepsetba aser azüdokshiba magizüker aser ozüing inyakyim nung teka amuoktsü tejangraba mali, saka sorkar 'machineries' ajanga tai maket senso dak tim masüba nung timtem agütsüba anema nokdaker, ta ashi.

March 22, 2021 anogo tia maka lendong atalokba dak sendakba nung temolung melemtemi nisung pezü apuba, aser state machineries ket nung mapang talangka ayuba ya WSYF ajanga süoki ia bilemer. Parnok pur anogo 20 jungogo aser temolung malemba kisüing nung tanü tashi pua ayuba ajanga külen nungi temzüing-ozüing tsütsü metokmeperi aliba nembanga ayutsü meranga tai maket nisungtem ya merenshir asü masü, ta tasüingdangba ka arur, ta ashi.

Court ka ajanga aibelena aliba maitsütet tashi nisung kaji tai maket aser SIT ajanga parnok apuba asoshi WSYF iba tangatetba nung nokdaka lir. State police ajanga shidakba aibelener meputeti tapi agi temolung malemba kisüing nung ajemdaker tai maket nisung apuba nung tasüingdangtsü lir, kechiaser iba ama yimya ya ajanga masüba ka nung timtem agütsü, ta Western Sumi Youth Front indang Media Cell ajanga ashi.

Anungji tai maket nisungtem pua aliba ya tekeratiba nung

chioktsüla, ta WSYF-i akhangar. Tarutsü nung bushisüingdangba mapang WSYF ajanga parnok ya ketdangtsü nem agütsütsü, ta ashi.

Tang tensa ya yimtsüing ana - Kiyevi aser Lamgai - tsüingta ken o ka amai angateter, koba Dimapur aser Peren district tsüingta arrtsü nung lir. Kiyevi kübok aliba ali nung yim ka akumtsü atema Lamhai Village Council ajanga ozüing alema dangar nem temelaba agütsüba kulitem state sorkar nem agütsüogoga aser yamaji sangdong balala ajanga state sorkar dang tekeratiba nung Kiyevi li atsüing aruba ken o bentettsü shiogo, saka iba dak sendakba nung sorkar ajanga tenük agi ajitettsüsa mera kecha agia mali, ta WSYF ajanga ashi.

Mangatetep aliba tesem nung tensa azüoktsü asoshi sorkari ozüing aser totuyuba agütsü aji mapa kuma meinyaktetba ya asaa inyakba aser ali atsüing arur atsükoka ayutsü merangba aser tai maket nüburtem aser item lenirtem merenshitsü merangba ka amai ajiteteter, ta sangdong ajanga ashi.

Mangatetep aliba tesem nung yoka aliba 9th IRB Coy nungi post commander mapa nungi anentsütsü asoshi lokti tentet karibo takhangba agütsüogoga, saka iba ama mapa nungi anentsüba ya ajanga sorkari tim yimya nung mapa meinyaktetba mechi tai maket police merenshir ka ama akumer, ta WSYF

sangdong nung shia lir.

Tejangja totuyuba ka magütsü mangatetep aliba tesem kati police tem yokba ya shidakba mapa inyaktü atema masü saka tema tereprangtsü jungdaksütsü atema inyakba amai lir. Anungji iba ama takhangba agütsüba nung onoki tai apur. Iba melen state sorkari tekeratiba nung par totoyuba nung aliba ama ozüing alema arua alirtem ainshidaksütsüla, ta ashi.

Arrtsü ken o dak sendakba nung, March 9, 1984 nung Khehoi yimtsüing nungi Head GB Khehoi Aye khaset, March 9, 2001 nung Shikuto yimtsüing nungi pastor Khunihe Shohe khaset aser 2011 küm Inavi yimtsüing nunga nisung ana tashi khasetogoga, ta sorkari meteta alitsü tim.

Tekeratiba nung tai maket senso pua aliba mechioki, aser arrtsü mangatetep ken o tekeratiba nung mebandangteti kinük balala nungi menüingdakba nung akhangba ama 9th IRB post commander mapa nungi anentsüra, WSYF ajanga pei tashi ajak amshitsüsa akumtsü aser iba mapang timtem ajuruba ajak state sorkar khuret asütsü, ta sangdong ajanga ashi.

Deputy Commissioner, Dimapur ajanga Chief Minister nem April 1, 2021 nü tezüluba nung agütsüba ama state sorkari inyaktüla, ta WSYF ajanga kasa sangdong nung nenshia metetdaksü.

# Security Forces temi Kohima nung NSCN (Khango) züngsem apu



**Dimapur, Rongchii/April 19 (TYO):** Security Forces temi April 17, 2021 nü police den lungjemer general area Kezekie Market, Kohima nung operation ka agiba mapang NSCN (Khango) züngsem ka pua liasü. Osang tejangja ka nung

ajemdaker mita aoba mapang NSCN (Khango) züngsem ka ya apu aser pa ket nungi 'counter foil' keta aliba saru meshiba slip tzüing tujang tenet, 'counter foil' maliba saru meshiba slip tzüing tujang ter, sen 64,000 indang saru meshipa slip asem aser danga

osettem nguteta liasü.

Iba ken o maneni bushisüingdangtsü atema pua alisang den pa ket nungi ngutetba osettem ya North Police Station, Kohima nem agütsüogoga, ta sangdong ka ajanga ashi.

# MDDF ajanga Odimongbanem tenüngsang agütsü

**Dimapur, Rongchii/April 19 (TYO):** Lucknow, UP nung 9 buba Blind and Deaf Judo Championship alidang Chuchuyimlang nungi Mapuonen'er jabaso Odimongba ajanga Judo Championship (45 Kg Junior Category) nung Gold Medal nguteta Mokokchung District Disabled Forum (MDDF), par

yimtsü aser state nem konang nüngsang bener arutsüba asoshi tenüngsang agütsü, ta Mokokchung District Disabled Forum sangdong ka ajanga ashi. Tarutsü anogotem nunga nü wadang nung maneni takok lidakjang ta sarasademtsü, ta MDDF tir Imkongnochet aser tongti zülur Lanu nati sangdong nung shia liasü.

# Pfutsero police temi temesepba yi apu



**Kohima, Rongchii/April 19 (TYO):** Phek police kübok Pfutsero police aser F Coy 10 NAP (IR) ajanga April 17, 2021 nü Pfutsero jila kübok PWD lemjem nung garitem mita bushiba mapang truck ka (Registration No. NL08D 5423) nungi Indian Made Foreign Liquor (IMFL) cases 27 ser

tesadang aser whisky cases ana nguteta liasü, ta osang ka ajanga ashi.

Police osang ka ajanga ashiba agi, iba IMFL kibur, Losami yimtsüing nungi arishi küm 27 tain Krowepe Lohe ya puogo aser NLTP Act 1989 kübok ken o ka benoka bushisüingdangba mapang lir.

# Department of Fire & Emergency Services ajanga pelaba lemsatep

**Dimapur, Rongchii/April 19 (TYO):** Department of Fire & Emergency Services ajanga Ministry of Home Affairs, Government of India, Directorate General Fire Services, Civil Defence & Home Guards aser All India Fire Service Sports Control Board den lungjemer Cyclothon sentong ka April 14, 2021 nungi April 18, 2021 tashi ayongzükga liasü, kong Fire fighter/cyclist nisung trok-i (6) shilem agia liasü.

Wokha aser Mokokchung indang Chief Medical Officer temi medical teyari agütsüba aser district asem indang administration ajanga osangtsüsang agütsütepba amalitepba asoshi pelaba lemsatep.

Kohima, Wokha aser Mokokchung nungi Police temi security agüja traffic azüokba, Station Director, Dordarshan Kendra Kohima aser Station Director, All India Radio Kohima ajanga iba sentong indang osang abenba atema pelar, ta sangdong ajanga ashi.

Fire Safety aser Fit India Movement indang awareness prokshitsü nükjidong nung ayongzükba iba sentong nung shilem agir Fire fighter/cyclist temi Kohima nungi Tuli (Nagaland Assam Border) via Wokha & Mokokchung tashinung kilometer 200 ayimjema jaja liasü.

Osang kaket balalai iba sentong indang osang adoktsüba, Tseminyu Town Baptist Church ajanga sentong nung shilem agirtem nem anisüingzük aser chiyongtsü agütsüba asoshia pelar, ta ashi.

Iba Cyclothon takok ngua agitetba atema Department of Fire & Emergency Services, Nagaland ajanga fire fighter/cyclist aser department nungi teyariteper nem tenüngsang agütsü, ta sangdong ka ajanga ashi.

Maneni Chairman, Paraciezie/High School Colony Kohima, Chiechama Village council, Chairman, Botsa Town, Tseminyu Village Council, Chunlikha Village Council, Longsa Village Council, Chukitong Town Council, VK Town Council, Alichung Town Council, Changtongya Town Council, Tuli Town Council aser temolunger ajak dang iba sentong takok ngutettsüsa lenmang balala nung yaritepba atema pelar, ta Neilasa Soppfi, I.G (F & ES) Nagaland, Kohima ajanga sangdong nung ashi.

Iba sentong nung Principal Director, Health and Family Welfare Department ajanga 'logistic' aser Chief Executive Officer, Kohima Smart City Development Limited ajanga hadir agi yaritepba asoshi pelar, ta sangdong ajanga ashi. Sentong nung Kohima,



TTAADC headquarters- Khumulwng nung 'TIPRA Motha' chairman aser Tripura chiba jabaso Pradyot Bikram Manikya Deb Barman-i osangbener den jembiba angur. Tribal Areas Autonomous District Council (TTAADC) election nung takok tulu anguba sülen 'TIPRA Motha'-i Executive Committee tentetogo. TTAADC nung Chairman inyaksü atema TIPRA Motha den yariteper INPT general secretary Jagadhis Debbarma aser Chief Executive Member (CEM) atema Purnachandra Jamatia shimogo. April 6 nü TTAADC election nung TIPRA-i BJP-IPFT teloktep madak takok tulu ngua liasü. (Agartala, April 19)

### Shillong nung anogo 14 atema school tem shibanger

**Shillong, April 19 (Agencies):** Meghalaya sorkari Shillong aser temeket nung anogo 14 atema school ajak shibangtsü telemtetba agiogo. Meghalaya nung COVID-19 wara tanabuba nisung aika dak puteter. Yaküm dang nungi trokben agi taküm timba putetogo. Meghalaya sorkari Shillong agglomeration kübok class KG nungi XII tashi school ajak anogo 14 shibangtsü atema tetuyuba agütsü. April 20 (Mongulbar) nungi May 3, 2021 tashi Shillong aser

temeket nung school ajak shibangtsü. Ajisüaka, Meghalaya Board of Secondary Education (MBoSE) kübok class X aser class XII tatidang anogo lateta aliba ama agitsü. Hombarnü Shillong nung Meghalaya Chief Minister Conrad Sangma menden ser COVID-19 review meeting ka amenba sülen iba telemtetba agia liasü. "Yaküm Meghalaya nung anogo 144 nung nisung 665 dak COVID-19 puteta liasü. Ajisüaka, wara tanabuba nung

iba dang nungi trokben agi nisung timba dak puteter," ta Conrad Sangma-i ashi. Meghalaya nung March 23 aser April 17 tsüingda nisung 680 dak COVID-19 aliba putetogo. Linük nung COVID-19 kanga putetba ajanga Meghalaya-i tourist marutsü tenokdangba agütsüogo. April 23, 2021 nungi tangalen nungi tourist tem Meghalaya-i marudaktsütsü. Ajisüaka, local tourists atema tourism sector nung maneni mapa inyaka aotsü.

### Manipur nung class 10 & 12 tatidang athir

**Imphal, April 19 (Agencies):** Manipur nung Covid-19 kanga putetba ajanga state sorkari Class 10 aser Class 12 board examinations athitsü lemetetogo. Sorkarisa Manipur nung Class IX nungi XII tashi class magitsü telemtetba agi. "Class IX nungi XII tashi school shibanger aser BoSEM

o CoHSEM ajanga ketdangtsü agiba HSLC Examination-2021 aser Higher Secondary Examination-2021 athir" ta Hombarnü Manipur Chief Minister N. Biren Singh-i metetdaksü. Sorkarisa lendong nungi jenbuttsü atema coaching centres, tutorial homes, boarding

schools, government schools, private hostels ajak shibangtsü tuyuogo. "Class VIII aser teküpok atema kaketshirtem physical class malitsü," ta Commissioner (Education) Manipur, T Ranjt Singh-i metetdaksü. Ajisüaka, online class maneni agitsü, ta paisa ashi.

### Vaphai nung Assam Rifles-i kozüjang apu



**Aizawl, April 19 (Agencies):** 23 Sector Assam Rifles indang Serchhip Battalion-i Champhai district kübok Vaphai tesem nungi juli 395 nung kozüjang bena aliba apu. Deobarnü (18.04.2021) Assam Rifles aser Champhai district custom preventive force longjemer team kati Vaphai tesem mita ao.

Ozüng alema kozüjang abenba atema nisung ka apu. Mizoram nung Indo-Myanmar international border adena shibelenstü atema kozüjang tem bendena ayuba osang tejangja ka angazüka, team-i item mapa inyakerkem bushitsü tenzüik. AR sepaitemi putetba kozüjangji Rs 74,18,100 alitsü

asadangteter. Mizoram police aser tim Department tem den longjemer Assam Rifles-i mapang shia ashikülakertem aser ozüng alema inyakerkem mita aoyongjia, iba State nung arrtsü adena shibelenba inyakyimtem tali küma aoba khenyongi samatsütsü asoshi takok menguteti lir.

### Mizoram nung nisung 50 dak COVID-19 putet

**Aizawl, April 19 (Agencies):** Deobarnü Mizoram nung nisung 50 dak COVID-19 positive putetogo. Tashidak puteter nisung 50 rongnung Aizawl nungi nisung 46 dena lir. Tanüingba nisung pezüji Champhai, Mamit, Kolasib aser Serchhip district nungi lir. Covid-19 tashidak puteter rongnung nisung 20 tashi ainlen senzürtem aser tashidak tsüingsü bushia aoba mapang nisung 21 dak Covid-19 aliba putet. Ano külen, Covid-19 putet alir rongnung tanüingba nisung 9 dak tashidak menaba tsüingsü tejangja putettsü atema Mizoram Health Department-i

mapa inyakdar. Covid-19 puteta alir nisung 50 rongnung arishi küm 6 nungi 15 tsüingda tanurtem alitsü. Tang Mizoram nung COVID-19 puteter densema iba wara agi shiranger nisung 364 tashi kümogo saka Covid-19 wara tanabuba nung nisung asüba osang kecha mali. State nung iba wara adoker külen nungi nisung 12 tashi süogo. Maneni, Covid-19 puteta alir nisung 50 dena Mizoram nung COVID-19 positive puteter nisung 4,859 tashi kümogo. Tanü tashi nung Mizoram kübok alir nütsüing 2,74,993 indang sample tem Covid-19 atema tendangogo.

### Golaghat police-i motorcycle auyar asem apu



**Golaghat, April 19 (Agencies):** Assam aser Nagaland arrtsülen Merapani tesem nungi Golaghat Police telok kati gari auyar asem apu. Gari auyartem ya Junti Ali, Munin Sensua aser Bikram Kachari nunger ta jangjaogo. Golaghat district telungtet nung gari auyatepba maparen kanga bulua küma aoba mapang ka nung, par asem apuba ajanga gari auyartem maparen nung tetsükdaktsü tulu adokdaksüogo. Tang Assam tesem balala nung Bihu benjungmung agiba mapang, tesüiba anogo ana tejangdang Golaghat nungi motorcycle ana auyar aoba sülen Deobarnü iba district nung motorcycle ka samaba osang angazükogo. Iba district nung mapang

shia bike auyaba osangtem angazükba sülen Golaghat Police kanga jeretpera mitdar. Additional superintendent of police, Paneswar Singh lenisüba kübok Golaghat Police team kati Merapani police teyari agia Assam aser Nagaland arrtsülen Merapani tesem nungi motorcycle auyar asem apu. Kasa mapang Golaghat Police teloki par asempronlga ket nungi auyaba motorcycle asem ngutetogo. Parnok ket nungi ngutetba motorcycle rongnung Enfield bullet ana aser scooty ka dena lir. Motorcycle auyar asem rongnung - Golaghat kübok Kacharihat nungi Junti Ali aser Jorhat district kübok Senijan nungi Munin Sensua aser Bikram Kachari na alitsü.

### Tanü Assam nung re-election agitsü

**Guwahati, April 19 (Agencies):** Mongulbarnü Assam nung polling station pezü nung re-election agitsü. April 1 nü election shilem tanabuba agidang EVM dak sendakba timtem kar ajuruba ajanga Election Commission of India (ECI)-i polling station pezü nung re-election asütsü telemtetba agia liasü. Dima Hasao district kübok Haflong legislative constituency

nung 107A-Khothlir LP School aser107-Mualdam LP School polling station, Karimganj district kübok Ratabari constituency nung 149-Indira MV School aser Cachar district kübok Sonai constituency nung 463-Madhyha Dhanehari LP School nung re-election agitsü. April 20, 2021 anepdang 7:00 ako nungi nikongdang 6:00 ako tashi polling station pezü nung polling asütsü.



## TIR YIMYIM YIMOBILEM (EDITORIAL)

DIMAPUR SANGTENNÜ, RONGCHII (APRIL) 20, 2021

### Kaketshirtem makoksatsüla

**Y**aküm küm Covid-19 ajanga kaketshirtem kaketshidaki moutet online class agia arur, tang class 10 aser 12 purtem tatidang tagidak nung ano kasa Covid tashidak wara poktetba ajanga timtem aser takoksa aika ajurudagi. Central Board of Secondary Education (CBSE) purtemi agiba class 10 tatidangbo magi kümtsüogo (cancelled) aser class 12 pur tatidang khen atema thinena lir. Nagaland asoshibo, tia junga, Nagaland Board of School Education (NBSE) ajanga agiba class 10 (HSLC) aser class 12 (HSSLC) tatidang methitemi agia arudagi aser joko tatemleni arur asünungji methitemi junga tembangtettsü imlar. Ajisüaka, joko tanep nungibo Nagaland nunga class 1 nungi 8 tashi shibangtsü government-i özüng agütsüogo. Atangji, tashidak wara tamajung agi amokmerener asünungji kaketshirtem dang masü saka aluyimertem nungi shir Industry lapoka alirtem aser business inyakertem ajak kanga akoksadagi. Ajisüaka, takoksa angurtem ajak rongnung kaketshirtemsa takoksaba asütsü, kechiyong kaketshisatsü bushiba yabo nisung ka taküm nung arishi den asadangtepa tantsür tambur maküm, temang nung tashi itta alidang, tangazüktsü tashi angazüker pei yari mapa inyak tenzüktsü ariteper. Aji oda, mapang tajung nunga kaketshir ka taküm nung küm ka tamakok angubajia, tazüngba nung medemer memenebpa dang masü saka arishi küm nunga küm ka agi akoksar amai akümer. Anungji, item ajakji asadangtepa tashidak wara liaka kaketshirtembo makoksatsüsa tensa den apet sentong yanglua class agitsübaji kanga tongtibang asütsü. Atangji, yaküm küma kaketrejutem shibangaka internet ajanga online class-bo agiogo. Ajisüaka, asen lima ya ano online class agitsüsa main aser merenlok, anungji tanurtem aika online class nung ya metentetter. Iba kuliji kar sensakba agi smart mobile phone malitetter aser karbo mobile phone liaka pei alidak nungi internet (network) mangur. Ano, smart phone-a lir aser network-a angur saka lesson sayudang temulung agüja mangar aser ano mangatetbaa masüngdangtetter ta takar aser makar ajak kasasa akoksaogo. Online ajanga tatidang agiba nunga, kaketshir aikati kaketshir nungi ajizüka züluba agi masüngdangba dena answer paper tapak talila aika meshia züluba otsü lir. Iba ama tensa mapang ka nung memeteti aser meteta pei kidang lia kaketshirtem aika taküm raksadagi aser mobile phone amshiba agi kaketshir mezügnü kümdagi. Item tensa tiaji kodang bilemdangdir, tarutsü putu asoshi bilema kaketshirtembo kaketshisatsü shitak methitemi angazüktsüsa tapet sentong yanglutsüla. Tashidak wara malidanga, aluyimertembo tzünglu aru, anü apu ta kecha mali aluibo aoer, kechiyong alu ayim nung dang nisungtem chiyongtsü angutsü. Aji oda, tang tensa mapanga, Covid-19 tashidak liaka alubosa ayimtsüla, kechiyong corona agi asüba dang nungibo aya agi asüba tamajungba asütsü. Iba kasaji kaketshisatsü bushiba sentong yaa maneni aotsüla. Atangji, kaketsreju nung akhidang ama kaketshirtem ajak nungtepa mesenteptsü aser akhidang ama anogo piyonga class magitsü. Ajisüaka, class shia telok ana küma lemsar, kar kenü aser kar kenü ta tongtibang sübjekt-tem agira, iba jagi kaketshirtem kaketshisatsü angazükba lenmang aser kaketshir azüngba sobaliba nungi mepilatsü. Class shia kaketshirtem rongnung telok ana küma lemsabaji, odd roll number aser even roll number (ana agi alemtsü akokba roll number telok ka aser ana agi alemtsü makokba roll number telok ka) ta kasasa telok ana küma lemdanger agitsü akok. Class agiba mapang nisung ajak mask agitsü aser kaketshir shiai thermoflask nung pei ajemtsü tzü tatsük bener arutsüla mesüra school-ia renemtsütsü akok. Ano kanga tongtibang kaji, tesayurtem aser school nung inyakertem ajak Covid jem agiadoktsüla. Iba jagi school nung sademsadema inyaktettsü aser tashidak menatsüba lendong nungia kümzüktsü. Alima agi ojangji, joko tang amai tashidak wara poktetpet poktettsü, anungji tashidak wara den raraa mapaa inyaktsü aser kaketshisatsü angazüktsü ta otettsüsa government-i sentong tapet asüngdangtepa yanglutsüla. Ashiko, iba sülen yabo ano alima kin karibo tamakok aser maksü marem mopong nung mim chioktsüa akok. Iba ama tamangu lendong mapanga nisungtem mapa methitemi inyaka otettsüsa renemba alitsüba putu tensa ka nung alirtemji asenok lir.

## OLEMSABANG

### Amsem

~ Miss Asenla Ajem APY (Arangshi)

Tzüngkunem 6:4-9 "angang, oh Israel, kibuba asen Tsüngremji kibuba ka dang lir. Anungji nai kibuba ne Tsüngremji ne mulung ajak agi, ne tanela ajak agi aser ne tashi ajak agi meimang. Tanü ni nenok dang melaba ya nenok mulung nung ayutsüla. Itemji nai ner chirnurtem dang nendaka sayutsüla, na kidang mena alidang aser na lenmang nung jajadang aser na mejangdang aser na shishidang item indang jembiang. Nai itemji temaitsü asütsü asoshi alitsü. Itemji ner ki kikümdang aser süngküm nung zülutsüla".

'Amsem' ta kodang südir asenok ajaki meteta dang lir saka tasüba agi yarisemba, repsemba, inoksemba, inyaksemba, longjemsemba mesüra jembisemba ta asenoki angatetsü akok. Tatishitsü agi tanur kati shisatsü aser mapatem nung metongjemi inyaka, mesüra jembisema alidang tsüraburi yarisemba mesüra jembisemba item ajak dangji asenoki angatetsü akok.

Kodang amsem ta südir iba ya temang (body) aser shisatsü nungdang amsemba masü saka tanela jenjang yanglushiba nung dena amsem indang jembir. Anungji onoki aginübaji tsürabur kati mapang ajak nung Tsüngrem O teperi agi temang-shih tanela rangben ajak ainba nung amsema tanur kaji anitsü indang ashir.

Kibong nung tanurtemji aseni aginüba agi anguba masü saka Tsüngremi Kibong ka abensadaksütsü asoshi tsürabur nem abensadaksütsü asoshi tsürabur nem moatsüba lir. Aser iba temoatsüji kotaker senmang asen nem angati tim shilem ka lemezüktsüba lir. Tanurtem ya temeshi aser tarak maket aser parnok ya Kibuba tsüngdang senti lir, kechiyong Yisua kotak yimli-i aitsü asoshi item tila tanur ka kotak yimli-i aitsü asoshi item tila tanur ka temaitsü sayuba asenoki Laishiba nung shia angur.

Anungji asen nem moatsüba tanurji Tsüngrem-i agütsüba sempet ta tsüraburi mangatetra, aser amsema Tsüngrem O nung manitetra aji Tsüngrem tsüngdang sentsütsür tsürabur asütsü.

Tanur kaji iba alimai aruli nungi tsürabur ka jagi pa/la sayubentsü shitak sayutsüla. Kibong aika nung tanur tain akümba atadang menuadoker. Psychologist-temi ashir tanur kaji pa/la sozükli nungi tamendakdak (foundation)-ji yanglutsütsüla ta ashir.

Tatishitsü agi asenoki süngdong tulu aser tajung ka aginer saka asenoki ibaji khenyongi aseni agiüba ama mekümdaksütetsü saka süngdongji tila asüadang nungi asenoki anepalua koba ama ka aginer yamaji ta aseni yanglua intetdaksür. Anungji asenoki yangji angatetdi kodang asen tanur tain akümba atar ang sayutsü kechiaser parnok tangbo kecha memetet ta tangatetba nung lidir Pa/la atema menuadoker asütsü aser taküm jenjang meyanglushitettsü.

Aser iba amsemba nung ya tsürabur asüyonga anaprongla teinyaktsü kechiba süra ibaji tetsü ka kija khuret mesüra tebu ka kija khuret ta angatetra amsemba nungji shilem agi madoker asünung ibai ajak apuani anaprongla khuret ta angatetdi.

Iba tazüngkonem 6:4-9 nung Tsüngremi meimchir nem tezüngzüktep lia temzüng özüng agütsüba asenoki angur aser ibaji tsüraburi pei chirnur dang lanuwa nungi tesayutsü tim sayutsüla aser ibaji tanur asoshi sübotsü ama küma anitsüla. Laishiba nung shia aliba ama "Anungji nai Kibuba ne Tsüngremji ne mulung ajak agi, ne tanela ajak agi aser ne tashi ajak agi meimang."

Nai itemji temaitsü asütsü asoshi ne teka nung alenlokang, aser itemji ne tenütsü nung temaitsü asoshi alitsü. Itemji ner ki kikümdang aser süngküm nung zülutsüla" mapang ajak nung tanur den amsema Tsüngrem O sayutsüla. Anungji yangi Tsürabur, Tesayurtem aser Arogo kati inyaktsüba kar lemsateper.

1. Tanela nung amsemtsü asoshi tsüraburi tanur nem Tsüngrem O tapet agütsütsüla:- Yangi tanur nem Tsüngrem O tapet agütsütsü asoshi tsüraburji Tsüngrem meimba ka asütsüla, kechiba süra aseni Tsüngrem dak chichia temulungjang ajak agi meimba asen tanur dang mesayutetra kodasür aseni asen tanur dang Tsüngrem meimtsü indang shitetsü. Anungji asen chirtem Tsüngrem O tapet agütsütsü. Anungji aseni tama mapa agi inyaka aser liteta sayutsüla.

Tanü ni nenok dang melaba ya nenok molung nung ayutsüla. Itemji nai ner chirnurtem dang nendaka sayutsüla, na kidang mena alidang aser na lenmang nung jajadang aser na mejangdang aser na shishidang item indang jembiang.

2. Tsüraburi liteta tanur dang sayutsüla:- Liteta sayutsübaji kanga dang tongtipang. Tanur dang tapu balala agi sayutsü merangtsü akok saka tanü putu nung tanurtemi nai ashibaji masü saka ne inyaksangshiji ajizüker. Süra tanuri kechi ajizüker? Asen yimya aser jakla liro item ajakji ajizüker. Yimya, jakla aser libaliro yabo sayutsü makok saka yabo ajizükteper, anungji aseni tanurtemji parnok taküm, jakla aser libaliro ajak nung amemsema liteta sayutsüji kanga tongtipang lir.

**Iba Olemsabang nung lemsaba ken-o aser shisatsü ya iba ocet züluri bilemba ken-o ama tazüngerü angateta agitsü mepishir**

# ISIS teloki Khristan ka khaseta Egypt nung Khristantem amokmeren



ISIS kiralongrartemi Coptic Khristan, Nabil Habashi Salama khasettsü lia tangokba noksa nung angur.

**April 19, 2021:** Egypt nung ISIS den tesendaktep aliba kiralongrar telok kati Coptic Khristan ka densema nisung asem khaseta Egypt nung Khristantem dang linük nung sepaitem pu-masemtsüla, ta amokmerenogo.

Egypt nung minority Coptic Orthodox Arogo nungi arrshi kü 62, Nabil Habashi Salama dak tesülen nungi tekolak nung injang khalokja khaset, aser kiralongrartemi iba video ji Honibarnü (April 17) sayaa liasü.

Video nungji kiralongrar kati AK-47 prangpong ka amer anünglen temeyong metonglokja Egypt nung Khristantem dang, 'Nenoki Egypt nung army tem pusemba taaji ibaji lir' ta ashiba sülen Nabil khaseter.

Yaküm November ita nung Bir al-Abed lenmang nung Nabil Habashi Salama puer oa liasü,

aser tawa kiralongrartemi khasetbaji pa lir ta jangjaogo, ta Egypt nung Coptic Arogoi metetdaksü.

Ano tanga video ka nung kasa kiralongrartemisa kasa yimya nung tribal nisung ana khaseter; sepaitem pusemba atema tenata khaset.

Salama ya yaküm November ita nung Jihad kiralongrartemi puer oa liasü, aser video ajanga paji Salama lir ta jangjaogo, ta Coptic Arogo nungi otongdar kati metetdaksü.

Otongdarisa ashiba agi, Islamic kiralongrartemi raksatsüba Tenla kitem tanaben yanglushiba maparen nung Salama-a densema liasü aser pai tatem tashi Khrista metoktsü.

2013 küm army temi Egypt nung Tir, Muslim nung Mohamed Morsi yimsüsüba

atsüngdokba sülen nungi tenzüka North Sinai nung Jihadist kiralongrartemi timtem kanga agüja arudar.

Kiralongrartemi talisa Sinai Peninsula nung timtem agütsür, iba denji külemi parnoki Egypt nung tesem balala amaksü atema iba territory ya launchpad ama amshir. 2016 küm parnoki Cairo nunga Coptic cathedral anasa Tenla ki ka poksa liasü.

2018 küm February ita nung sorkari North Sinai nung rangloker linük tesem ajungalen kiralongrartem anema operation oa liasü aser iba mapang nungjagi tenzüka tang tashi nung sepaitemi kiralongrar 970 shi tepsetogo.

Coptic Orthodox Arogo nung züngsemtemji linük nütsüng shilem 10 nungi 15 tsüngda lir. Tang Egypt nung nütsüng million 100 shi lir.

# Kerala nung Catholic Khristan nun ka tasü mang tzübo nung angu

**April 19, 2021:** India kübok Kerala state nung arrshi küm 42 Catholic nun ka tasü mang tzübo ka nung angu; tesüiba ita ana tsüngda tang agi tanabenbuba kasa tatalokba ataloker.

April 16, 2021 nü Kollam district kübok Kureepuzha yimdak St. Joseph Arogo kübok Pious Workers züngsem, Sister Mable Joseph tasü mang tzübo ka nung angu.

La takdang nung shidi ka zülur tokja liasü, aser shidi nungji lai, "Ni kü temang nung timtem metizükteter, ibayongji ni soseta asür. Kü tasü mangji convent tzübo nung angutsü," ta shia lir.

"Ni asüba ya shinga tai ajanga masü. Ni asoshi ajaki sarasademjang," ta lai shidi nungji shia lir.

April 16 anepdang sarasadem sentong nung la madenba sülen nisung ajaki la bushiba mapang nung la takdang nungji lai zülua toktsüba shidiji angu.

Osangbener den jembidang Arogo putir, Francis John-i, "Post-mortem agitsü atema la tasü mang bener ogo. Lai züluba

shidiji ajanga lai la sasa asü ta jangjar," ta metetdaksü.

Sister Joseph asüpila sentong April 17 nü agiogo.

Iba ama tatalokba ya tang mezüng ataloker masü, ibayongji osangbenertem densema nisung aikati melung malemer. Tesüiba küm 30 tsüngda India nung nun 20 dak tema tasü mang nguogo, ibayongji aikati melung malemer.

Ita ana tejaklen February 14 nü Kerala nung Ernakulum district nung aliba Daughters of St. Thomas kübok Missionary Congregation nung züngsem, Sister Jaseena Thomas tasü mang-a tzü nung apongdeka lia angu.

Arogo lenirtemi la soseta asü ta ashi saka yangji alirtemibo nisung kari la tepset südi ta melung melemi bilem. Police post-mortem ajangabo la asüba nungji melung malemtsüsa kecha mali, lai la sasa asü, ta metetdaksü.

Arrshi küm 45 nun ji tekolak meshidakba agi mozü tagidak liasü aser la asüba atema shinga

dak melung malemba mali, ta Arogoi metetdakja liasü.

Pala Province nung Missionary Congregation nungi Sister Jessy Jose-i, "Sister Thomas den tangar nun ka küm 16 tejaklen gari lendong ajuruba sülen la tekolak tera meshidaki aküm. Iba lendong nungji la medemla jibo asü. Iba tatalokba ajanga la shisatsü tera meshidaki aküm. Tesüiba küm 10 tashi la medical treatment tagidak liasü," ta metetdakja liasü.

1992 küm Kerala nung Kottayam district nung aliba St. Joseph Arogo nungi arrshi küm 19, Sister Abhaya asüba sülen Arogoi iba osangji mimshi ta tai tonglokja liasü.

Tamasabo Arogo aser police napronglai la soseta asü ta sangdong, ajisüaka küm aika iba tatalokba bushisüngdangba sülen 2020 küm December ita nung trial court kati la tepsetba ken o nung Catholic putir ka aser nun ka na aija liasü.

Osang angazükba agi, Kerala nung nun ka asüba shia loktiliba nung melung melemtep aser mangatettep adoker.

# ANO GO ABEN TSÜNGREM DEN

## Tsüngsem semzükang

"Aser Pai ashi, yagi anasa taru, ne tsüng nungi ne tsüngsem semzükang, kechiaser kechi ali nung na nokdaker aji temeshi li." Anitet 3:5


Hindu yimsü, Muslim yimsü nung parnoki pei tekülemdaki aidang tsüngsem semzükang. Tsüngsem indang jenjangji reprangdir tamajung, tajung lenmang ajak nung jaja dang asemba sübutsü ka lir. Aowi aser jana teimtiba inokdak (Literally) shitakba nung tsüngsem semzüktsü indang asen den jembir masü. Saka asen taküm nung memerükba kechi lir iba asoshi inyaksü jembiba lir.

Tsüngremji temeshi aser asen Kibuba Tsüngremi temeshi taküm nisung shia nungi nüngdaker. Peter-i Kibuba dang süngdang, adianu ka dang tai adoktsü kwiben nüngdaker? ta asüngdanga lir. Yisu-i langzü neterben neter tashi ta ashi. Tatok agütsüpet agüja asen taküm nung temerük temeshi mapa aginer. Mtt. 5:23 nung tenla agütsüba mapang Yisu-i tesayuba agütsübaji adianu den jungteping ajisür arung aser ne tenla agüjang. Temulung temerük aser temeshi mapa inyakba ajanga Tsüngrem tsüngdang tagizüktettsü asoshi Kibubai asen memerükba ya semzükdaksüner.

### Sarasadem

Kechisa nung memerükba mapa aser tatok mebenshi-i lir aji asoshi ni shitokjangma. Amen

# Trinity Foundation nung Tir, Ole Anthony alima nungi pilaogo



Ole Anthony

**April 19, 2021:** Dallas, Texas nung amenoka aliba televangelist accountability group- Trinity Foundation nung Tir, Ole Anthony alima nungi pilaogo; pa arshi küm 82 liasü, ta Arogoi sangdong ka ajanga metetdaksü.

Arogoi ashiba agi, pa dak tepokpok cancer putetba sülen küm pezü lir pa Hokolbarnü (April 16) nü asü.

1972 küm Ole Anthony leniba nung Khristan lenir kari Trinity Foundation tenzüka liasü. Iba telok yagi alima tesem balala nung tamangba yimsü dak sendakba nung ochimashi ken otem mita repranger. 1990s aser 2000s nung iba teloki rongsen arishir sayutsüngirtem- Robert Tilton, Benny Hinn aser Jan & Paul Crouch nung densema televangelists aika anema ken o benoka bushisüngdangogo.

Anthony ya Arogo ka tenteter rongnung densema lir

aser iba Arogo jagi 1990s mapang nung Dallas nung ki malirtem aika yaria aruogo aser tang tashi Dallas nung kibong aika yaridar.

2010 küm Trinity Foundation nungi razüka aoba Community on Columbia nunga pai shilem tajung agia aruogo. Pai Bible study agiba den külemi timtemtertem tenzüka nung shilem tajung agia aru.

2007 küm Anthony indang foundation-i Senate Finance Committee-i televangelists- Paula White, Joyce Meyer, Creflo Dollar, Eddie Long, Kenneth Copeland aser Benny Hinn nung anema bushisüngdangba nung yaritepa liasü.

Anthony-i pa akümli nung kodanga kibong maküm. Pa tasü mang St. Peter, Minnesota nung aremtsü aser pa nüngtem nung memorial service May 1, 2021 nü Dallas, Texas nung agitsü.

**OLONG PAITEP # 5787**

	1				2			3		4
5								6		
7			8							
								9		
		10								
11										12
					13					
					14					
15										
					16					

<b>TIPILEN</b>		<b>LANGTSÜNGLEN</b>	
1. Balaka	- (5)	2. Hai sür inyak	- (4)
6. Aika shirangba	- (4)	3. Aor tenüng ka	- (6)
7. Tar tatsü	- (6)	4. Ali telungi talangka lur	- (5)
9. Nenü'er jabaso	- (4)	5. Tebang kenyongi mazüoker	- (4)
10. Sen latettsüba	- (7)	8. Ken atema anenzükertem	- (5)
11. Tangar kübok alir	- (4)	9. Toktepa noktak	- (5)
14. Lon nung inokba	- (6)	10. Sen	- (6)
15. Tzü ayimdak	- (4)	11. Benjong agi	- (5)
16. Ajok	- (5)	12. Telung nung rizünga ayu	- (4)
		13. Tebang nung enok	- (4)

**OLONG PAITEP # 5786 TELANGZÜBA**

<b>TIPILEN :</b>	<b>LANGTSÜNGLEN :</b>
1. Aben, 4. Artsü, 7. Lisem, 8. Liwa,	1. Aruli, 3. Balala, 5. Suwar, 6. Belem,
9. Sarasadem, 12. Aket, 14. Mangu,	9. Sүjak, 10. Aonung, 11. Dokan,
15. Anünü, 16. Ango.	13. Tinu.



**ALOKBA VVIP KA DEN SENSÄK-ASEMER**

**Alokba** : Ohoiii...Tulur... Nenok VVIP-tem teti 'Tenuk Aina' sentsü tanak ser tulu-lu kahloker senzüba...Ya kechi atema kahloker...???

**VVIP** : Ayyyeeee...Alokba... Na-a oda masüngdangtsüla yabosa tasüngdangjo... 'Tenuk Aina' tanak kahlokbaji...onok tenuk kolen meyipshia repranger aji tangari majiteter.... Ano onok dak tamajung inyaksü tasa atonger kar ali mali aji-a repranger.... Aser 'Atsü - Naro' topur tajung ajurudang item-jia mim-saheb nunger nem majittdaktsüi sadem-sadema repranger ta adi.

**Alokba** : Adjaa...Tangjiang metetogo...Surabangla nenok aolen ajak nung Mahila-tem anir senzüba ya-a kechi atema...???

**VVIP** : Waaaa...Onok VVIP-tem senzüdangji nungdak nungra/tenya-tenbong maparen aika dang inyaksü adoker nung koda...Sungküm nung tanükertem-ia tebur-bo kanga kishia check asür...saka Mahila-tembo kangabo check mesui odang yoker nung koda...Anungji ajak nung Mahila-temji kangasa nungdaker adi.

Lilir : L.Kika Pongener.

**TANÜBO NAI LANGZÜANG**

Q. Humpback dolphin indang IUCN status ji koba?  
 A. Endangered                      B. Critically Endangered  
 C. Vulnerable                        D. Extinct  
 \_\_\_\_\_ (Taruba adok nung onoki langzүsü)  
**YASHI ADOK TELANGZÜBA : 1976**

**AO OSHI ANGAZÜKDAK:**

**TANÜ ANGAZÜKTSÜBA OJANG**

**Bensem**  
 (v) talila enoksema aben. ( extra load)  
 \* Yosef tedi nungertemi tsük talila **bensem**.

**Bentet**  
 (v) balala shitak ayu (sort out)  
 \* Asanglai kidang osettsüset ajak jungjunga **bentet**.



Tir Yimyim

**NAI-A YA METETTER MA?**

**INDIA NUNG ZOO TULU KAR:**

- (Yashi adok nungi...)
- Mysore Zoo (Sri Chamarajendra Zoological Garden)**  
 \* Location: Mysore, Karnataka  
 \* Started in 1892  
 \* Area: 0.99 km2 or 244 sections of land
  - Allen Forest Zoo**  
 \* Location: Kanpur, Uttar Pradesh  
 \* Started in 1971  
 \* Area: 0.77 km2 or 190.2 sections of land
  - National Zoological Park**  
 \* Location: New Delhi, Delhi  
 \* Started in 1959  
 \* Area: 0.71 km2 or 175.4 sections of land
  - Sanjay Gandhi Jaivik Udyan**  
 \* Location: Patna, Bihar  
 \* Started in 1973  
 \* Area: 0.62 km. or 153.2 sections of land
  - Rajiv Gandhi Zoological Park**  
 \* Location: Pune, Maharashtra  
 \* Started in 1999  
 \* Area: 0.53 km. or 130.9 sections of land

**SUDOKU # 5830**

		5		4		1		8												
4	6			2		7	9			5	9	2	1	6	4	3	7	8		
7			3	1	6					6	3	7	8	9	5	4	1	2		
5	3	6	7		1	9		2		1	6	5	9	3	8	7	2	4		
		8	4					7		4	7	8	6	2	1	9	5	3		
2		7		9						9	2	3	4	5	7	1	8	6		
6			2	1	5	4		3		3	4	1	2	8	9	5	6	7		
				2					6	2	5	9	7	4	6	8	3	1		
9		3		7	8	2	1			7	8	6	5	1	3	2	4	9		

**TELANGZUBA # 5829**

4	6			2		7	9			5	9	2	1	6	4	3	7	8		
7			3	1	6					6	3	7	8	9	5	4	1	2		
5	3	6	7		1	9		2		1	6	5	9	3	8	7	2	4		
		8	4					7		4	7	8	6	2	1	9	5	3		
2		7		9						9	2	3	4	5	7	1	8	6		
6			2	1	5	4		3		3	4	1	2	8	9	5	6	7		
				2					6	2	5	9	7	4	6	8	3	1		
9		3		7	8	2	1			7	8	6	5	1	3	2	4	9		

**OJANG LUTEP # 5374**

- RUTTASÜ :
- NGAMAPA :
- KTETTINYASÜ :
- HIASOS :
- MDANKÜGA :
- NTONASALEG :
- MERRENE :
- AKINY :
- SNZÜKTETÜ :
- TTIBAONGNG :

**OJANG LUTEP TELANGZÜBA # 5373**

ONÜK TULU MESÜRA TASAKBO TASHIR TSÜNGDA  
 JEBITEP NUNGANG TAJUNGBA AKÜMER

**TAN HOPTA ATEMA - KOMA SÜLA ?**

Q. Covid-19 wara nokdangtsü atema yaküm 2020 küm ama, ita junga lockdown asünunga koma süla ?

### Mamata-i EC dang election shilem asemprong khenyongi agitsü mepishi



April 19, 2021 nü Kolkata nung TMC tongti aser West Bengal Chief Minister, Mamata Banerjee-i party candidate tem atema nüboyimja roadshow agiba noksa nung angur.

**Kolkata, April 19 (Agencies):** Linük nung coronavirus tensa tamajungba akümba nung ajemdaker Hombarnü West Bengal Chief Minister, Mamata Banerjee-i Election Commission dang state nung Assembly election shilem asemprong kenüyongi dang agitsü mepishi.

Taoba hopta nungi lai twitter ajanga, "Tang wara nung ajemdaker ECISVEEP-i West Bengal nung election shilem tiprongla agitsü lemtetbaji anema onoki nokdaker. Tang coronavirus tashidak kanga putetba nung ajemdaker ni ECI dang tanüngba shilem asempronglaji khenyongi agitsü mepishir. Ibaji ajanga nüburtem coronavirus nungi jembitsü," ta metetdakja liasü.

BJP-i election shilem asemprong balala agitsü ashiba nung ajemdaker Election Commission-i inyaker asütsüa akok, ta melung melemi

Hombarnü Uttar Dinajpur nung election sentong ka nung jembidang Trinamool Congress tongti lenir, Mamata-i Election Commission dang, public health ji tongtibangba südaksütsüla, ta ashi.

"Ni EC dang tanüngba election shilem asempronglaji anogo ka nung agitsü mepishir. Anogo ka yongi magitet nunga anogo ana nung agitsüla aser anogo ka kümzüksüla," ta lai ashi.

"Yimlibilema BJP-i ashiba nung ajemdaker nenoki (EC) telemetba magitsüla. Election tatsüba nung agiba ajanga nenoki nüburtem kümzüksüla," ta lai ashi.

Amongnü West Bengal nung nisung 8,419 dak coronavirus puteta liasü aser ibaji state nung anogo ka nung timtiba putetba liasü.

Chief minister-isa, la aser party lenirtemi tesem kanga temesü nungbo election

sentong ayongzüka magitsü, ta metetdaksü.

Malda nung osangbenertem senden ka nung jembidang lai, Bengal nung aonung curfew ozüng benokba agi kecha masütsü, saka yimtenren tsütsü tenokdangba tama benoktsüla, ta ashi.

Laisa hospital tem nung coronavirus agi shirangertem atema yipten mekazüka yutsüba metetdaksüba den külemi office ajak nung staff shilem 50 dang arutsü tuyuogo.

"Shinga maoksatsü atema ni ajak dang mepishir. Coronavirus wara anema onoki task force ka tentetogo, iba denji külemi yipten tali mekazüka yuogo," ta lai metetdaksü.

"Vaccine agi kanga anünger, anungji onoki Centre dang vaccines tali meshiogo. Centre sorkari vaccines, mozü aser oxygen cylinders peria yoktsüla," ta lai ashi.

### India nung ano nisung 2,73,810 dak Covid putet aser 1,619 asü

**New Delhi, Rongchii/April 19 (Agencies):** India nung ano nisung 2,73,810 dak coronavirus tashidak putetba sülen linük nung coronavirus caseload crore 1.50 jungogo, aser tang teshirangdakpur lakh 19 kümogo, ta Hombarnü Union Health Ministry-i metetdaksü.

India nung tang tashi nung nisung ajak agi 1,50,61,919 dak coronavirus tashidak putetogo

aser tesüiba ghonda 24 tsüngda iba tashidak agi nisung 1,619 asüba densemabo linük nung iba tashidak agi asür ajak agi 1,78,769 jungogo, ta Health Ministry-i metetdaksü.

Tesüiba anogo 40 tashi anogo shia India nung iba tashidak agi teshirangdakpur timba-timba kümдар aser tang iba tashidak agi teshirangdakpur 19,29,329 jungogo; taküm February ita nungbo iba tashidak

agi teshirangdakpur lakh 1 dak tema dang liasü.

Linük nung iba tashidak agi shiranger ajak agi 1,29,53,821 anepogo aser iba tashidak agi shiranger asüba shilembo 1.19 dang kümogo.

ICMR-i ashiba agi, April 18 tashi nung linük nung samples ajak agi 26,78,94,549 tendangogo aser iba nungji Amongnü samples 13,56,133 tendangba densema lir.



April 19, 2021 nü Amritsar nung aliba market ka nung aluyimertemi Centre sorkar dang aluyimba ozüng tasen asem agienang, ta takhangba agüja longkak aitba noksa nung angur.

### Covid tensa ajanga Britian PM-i India semdangtsü aliba thinener

**New Delhi, Rongchi/April 19 (Agencies):** Tang India linük nung coronavirus tensa kanga tamajungba akümba agi Hombarnü British Ato kilonser, Boris Johnson-i taruba hopta pai India semdangtsü aliba thinenogo, ta India ministry of external affairs aser Britain sorkar napronglai külem sangdong ka ajanga metetdaksü.

"Tang coronavirus tensa nung ajemdaker Ato kilonser Boris Johnson-i taruba hopta India mesemdangtetsü," ta külem sangdong ajanga metetdaksü.

"Ajisüaka tan ita tatembanglen Ato kilonser ana-Modi aser Johnson nati tarutsü nung India aser UK nati asalentong yanglua inyaksü atema jembitsü bangjemogo,"

ta metetdaksü. Taküm January ita nunga Johnson-i India semdangtsü liasü saka par linük nung coronavirus kanga prokba agi India semdangtsü aliba thinena liasü.

Taoba hopta nunga UK ketdangsertemi, UK Ato kilonseri New Delhi semdangtsü, ajisüaka tang India nung coronavirus tensa ajanga pai bilemba ama masü saka mapang tatsüba semdangtsü, ta metetdakja liasü.

March 16 nü House of Commons nung jembidang Johnson-i, "Alima nung democracy tulutiba linük den tesendaktep tashi itshitsü atema ni India semdangtsü, ta ni tepela nung sangdonger," ta metetdakja liasü.



April 19, 2021 nü New Delhi nung Delhi Chief Minister, Arvind Kejriwal-i Covid care centre ka semdangba mapang tangokba noksa nung angur.

### Covid wara liaka PM Modi-i election nüboyim sentong maneni agir

**New Delhi, April 19 (Agencies):** Tang India nung coronavirus tashidak tanaben prokba aser anogo shia iba tashidak agi nisung jenti asüba mapang ka nung Ato kilonser, Narendra Modi-i maneni election nüboyim sentong tulu ayongzüka agiba atema yimtenren party aikati pa aitsüdar.

Tang twitter ajanga linük sensotemi oxygen aser hospital nung yipten akhangba mapang nung Ato kilonseri kanga mazüngi West Bengal elections atema nüboyima jajar, aser item election nüboyim sentongtem nung lokti tulu adenshiba atema pai mezümeküma jembir.

Honibarnüa West Bengal nung election rally ka nung Ato kilonser, Modi-i mask-a magii, "Ni kü taküm nung kodanga iba amai lokti tulu mengudang," ta jembia liasü.

Iba aonungjisa pai, "Yaküm India-i coronavirus madak takok ngua liasü aser maneni India-i tang-a takok angutsü," ta jembia liasü.

Coronavirus kanga prokba agi Opposition Congress party-ibo West Bengal nung election nüboyim sentong ajak thinenogo.

Honibarnü Maharashtra chief minister Uddhav Thackeray-i, pai phone ajanga Modi dang state nung oxygen aser Remdesivir mozü agi

meperiba metetdaksünüa liasü saka pa dang, Ato kilonser election nüboyim sentong nung mazüngi lir ta ashi, ta metetdakja liasü.

Taoba mapang BJP nungi finance minister aser tang United Democratic Alliance party nung chairman, Yashwant Sinha-ia, Honibarnü lokti tulu adenshiba atema Ato kilonser pelar; tangar atema mebilemtsüba nisung kati ang iba ama oji jembitsü, ta aija liasü.

Hombarnü West Bengal Chief Minister, Mamata Banerjee-ibo, India nung coronavirus tanaben prokba ya Ato kilonser, Modi tai ajanga lir, ta aitsü.

Osangbenertem den jembidang Mamata-i, "Tesüiba ita trok tsüngda corona anendaksütsü atema kechiba nai (Modi) asalentong yanglua meinyak. Nai iba telangzübaji agütsütsüla. Coronavirus tanaben prokba ya Ato kilonser tai ajanga lir," ta ashi.

Mamata-isa Election Commission dang state nung tanüngba election shilem asemprongla kenüyongi dang agitsüla, ta mepishiogo.

Tang alima nung coronavirus tashidak tekaratiba prokshiba linükji India lir aser nisung aikati iba wara ajanga India nung rongsenketsüng jenjang ano tamajungba akümsü ta bilemer.



Bangladesh yimtiba, Dhaka nung ozüng amshirtemi rickshaw anir ka nem mask agütsüba noksa nung angur. Bangladesh nung COVID-19 tashidak wara tenzüker Deobarnü tamajungtiba liasü, kong iba tashidak agi nisung 102 asüba osang liasü. Iba linük nung COVID-19 agi asemnü atonga nisung 100 dak tema asür aser tang tashinung ajak agi nisung 10,385 süogo.

## Russia-i Czech nung ketdangsür 20 meintok

**Moscow, Rongchii/April 19 (Agencies):** Prague nungi Russia nung diplomats 18 meintokba sülen Russia-ia Moscow nung amendaker aliba the Czech Embassy nungi staff 20 meintokogo, ta Russian Foreign Ministry-i metetdaksü. Diplomats tem ya Russian secret services züngsemtem lir ta shia Prague nungi meintok.

Ministry-i Deobarnü sangdong ka ajanga ashiba agi, Vitezslav Pivonka-i Czech Ambassador jaok aser Prague nung ketdangsürtemi jenjang agiba anema nokdakogo.

Pivonka-i ashiba agi, Czech

Embassy nungi staff 20 ya Hombarnüsa Russia toktsür aotsüla.

Ministry-isa, Czech Embassy dang Prague kübok Russian embassy nung local staff kwi lir, paikaji dang Moscow nunga local staff ayutsüla ta shiogo.

Maneni Ministry-i, Czech nung ketdangsürtemi kümtem tsüngda kuli tejangja makai Russia anema inyaker aser tawa America-i Moscow nem tenokdangba agütsüba sülen parnok peladaksütsü atema item jenjangtem agir, ta ashi.

Honibarnü Czech Foreign Minister Jan Hamacek-i

sangdong ka ajanga, "Prague kübok Russian embassy nung mapa inyakeritem ajak meintoktsü ni telemtemba agiogo, kechiyong onok indang special services-i item ketdangsürtem ya Russian intelligence agencies SVR aser GRU züngsemtem lir ta ngutetogo. Russia embassy nung staff 18 ya ghonda 48 tsüngda Czech Republic toktsür aotsüla," ta ashi.

Kasa mapang nung Ato Kilonser Andrej Babis-i, item staff 18 ya 2014 küm Czech Republic nung prangbong injang ayudak apokba tatalokba nung densema liasü, ta ashi. Iba lendong nung nisung ana asü.

## Myanmar mitkartemi reshikangshiba noksatem sayur

**Naypyitaw, Rongchii/April 19 (Agencies):** Mitkartemi pua aliba nisung trok temang nung züka merenshiba zübu keter noksatem sayaba sülen Myanmar nung nübur temeden asoshi nokdakba telok kati linük balala dang mera agitsü ajungshir.

Deobar nikongdang mitkar meyong MRTV nung sayuba noksa tem nung tebur pezü aser tetsür ana tejak nung zübu keter aser azü yima aliba nguogo. Tetsür ka takum-meji (jaw) waker aser tenükrem nak-naka aliba nguogo.

"Mitkar lenirtemi reshikangshiba ya par tasa ka amai amshir. Linük balalai mera magira, reshikangshiba aser asüba ya maneni alitsü," ta Assistance Association for Political Prisoners (AAPP) ajanga tweet ka nung ashi.

Mitkartemi February 1 nü sorkar atsüngdokba sülen sepaitemi nisung 737 tepsetogo aser nisung 3,229 pua lir, ta AAPP ajanga ashir.

"AAPP ajanga pua alirtem asoshi shisabulur, talisa memetetba tesem nung pua alirtem asoshi khuret abener," ta ashi.

Par trok ya Deobarnü Yankin nung apu, ta MRTV ajanga ashir, koba Myanmar nung yimti tulutiba, Yangon tezülen lir.

"Par trok ya Yankin government office tezülen

Honibar nikongdang 2:00 ako nung bomb pokloktsüdak dena lir, ta MRTV osang sangdongeri ashi, kong sorkar meyong sepaitemi asem yirua liasü. Iba dak alaka parnoki osang talila mashi," ta Myanmar kidanger, Thailand yimtiba Bangkok nungi osangbener kati ashi.

"Aser mitkar meyong sorkari nüburtem dak tiazü nung tai tongloktsüba ngua arur. Mitkartemi sorkar atsüngdokba sülen iba yimya amshiba asenoki ngua arur, talisa longkak aiter tsübudaksütsü mechi parnoki pua alirtem noksa sayur."

February 1 nü Senior General Ming Aung Hlaing-i sorkar tashi rakzükba sülen Myanmar nung rongrong adoka lir.

Tanen makai longkak aitba, nisung tepsetba aser apuba mapang United Nations-i Myanmar nung tensa ya Syria nung ama civil war adoktsü lenmang leni aor, ta ashi.

Nüburtem molungjang nung tetsübu aita daksütsü nükjidong nung pua alir nisung trok indang noksa ya sayutsü mitkartemi telemtemba agi, ta Myanmar civilian aser mitkartem tesendaktep nung research agir Kim Jolliffe-i ashi.

Iba linük nung azüdokshiba ya anüolen linük aikati aitsür aser Association of Southeast Asian Nations (ASEAN) nung züngsem linüka kari ola adokogo, kong Myanmar ya

züngsem lir.

Züngsem ter aliba telok yagi Myanmar nung yimjung lidaktsütsü asoshi lenmang bushitsü meranger, saka mitkartemi par kidanger linüktem den jembishinütsü tejangraba mesayur aser parnoki atsüngdokba civilian sorkar den jembitsü jangraba mali.

Saka Thai sorkar ketdangsür kati, April 24 nü Indonesia nung ASEAN summit nung Min Aung Hlaing adentsü akok, ta Honibarnü ashi.

ASEAN senden nung adentsü jaokba asoshi Myanmar nung nüburtem ain adokteper, aser tawa tentetba National Unity Government ajanga mitkar den masü saka parnok den jembishinütsüla, ta ashir. Iba National Unity Government ya mitkari parliament züngsem atsüngdoker alirtem aser mitkar anemertem agi kumtetba lir.

Taoba küm November ita election agiba mapang ashikülak mapa inyak, ta aija mitkartemi Aung San Suu Kyi'er sorkar atsüngdok. Iba election nung Suu Kyi'er telok, National League for Democracy ajanga takok ngua liasü.

Sorkar atsüngdokba anogo apuba sülen arishi küm 75 tain Aung San Suu Kyi ya yimjak nung mangur aser la anema ken o aika benoka lir.

## TLP pusemertemi pua aliba police 11 chiokogo

**Islamabad, Rongchii/April 19 (Agencies):** French ambassador mintoktsü atema khanga longkak aitba mapang radical Islamist telok ka pusemertemi pur aoba Pakistan nung police ketdangsür terka chiokogo, ta ketdangsürtemi Hombarnü metetdaksü.

Police ketdangsürtem ya Deobarnü Lahore nung longkak aitba mapang Tehreek-e-Labbaik Pakistan (TLP) pusemertemi pur ao.

Social media balala nung prokshiba video nung police ketdangsürtem tekolak alepbangba den tejak tebang yirur aliba nguogo.

Interior Minister Sheikh Rashid Ahmed-i ashiba agi, TLP den sensaksemba sülen police tem Hombarnü chiok. TLP ya kiralongrar telok ka ta jaloktsür sorkari taoba hopta tenokdangba agütsüogo.

Ketdangsürtem ya Lahor kübok TLP indang mosque ka nung sota yua liasü. Iba mosque nung TLP pusemertem aika lir koba police temi meketbanger lir.

"TLP den sensaksem tenzükgogo aser mezüngbuba shilem takok nung tembangogo," ta Rashid-i Twitter nung video ka ajanga ashi.

"Parnoki pur or aliba police 11 chiokogo," ta paisa ashi.

Taoba mapang TLP-i, April 20 nü tashi nungbo French ambassador mintoktsü atema lateta toktsü.

France tir Emmanuel Macron-i, Prophet Muhammad indang cartoon tanaben adokshitsü atema Charlie Hebdo magazine pusemba sülen iba telok yagi ita aika France anema longkak aita arudar. Prophet Muhammad mesükba cartoon sayaba ya Muslim nung aikati Tsüngrem anemaba ama züngshir.

Kasa mapang nung taoba hopta Pakistan nung France embassy-i France nung dang Pakistan toktsür aotsü tetuyuba agütsü.

Lahore nung TLP lenir pua ayuba sülen taoba hopta ishika linük ajunga longkak aitba sentong balala agi anakshija arudar.

Longkak aitertemi yimitem inyaksangshi mejungi kümdaktsüogo aser tang tashi nung police trokbo süogo.

TLP lenirtemi ashiba agi, Deobarnü police den mangatettep adokba mapang party pusemertem aika tepsetogo.

"French ambassador memintok tashi onoki parnok maremtsü," ta TLP lenir Allama Muhammad Shafiq Amini-i ashi.

## Ethiopia-i Amhara nung state of emergency sangdong

**Addis Ababa, Rongchii/April 19 (Agencies):** Jila kar nung azüdokshiba ajanga Ethiopia-i Amhara regional state south tsütsü state of emergency sangdongogo.

Ataye jila aser Oromia special zones nung tesem kar nung tesüiba anogo ana azüdokshi liasü, ta Ministry of Defense ajana Deobarnü sangdong ka nung ashi.

Yangji prangbong bena alirtemi nisung aika tepset aser ki-o-jen raksatsü, ta sangdong ajanga ashi. Civilian aika iba tesem nungi jenogo, ta parnokisa ashi.

Amhara region nung ethnic Amhara - Ethiopia nung kin tulutiba jenjang tanabuba nung aliba - teloki amokbanger lir, saka Oromo special zone nung Oromos kin timba alir.

North Shoa zone aser Oromo special zone nung Ethiopia mitkartem yoker anogo ka lir state of emergency ya sangdong.

June ita linük nung election agitsü sentong lia Ethiopia nung rara agi kanga mejungi kongshir aliba Tigray region alema oa tensa majungba agi iba mera ya

agi.

March ita Amhara nung anogo ishika azüdokshiba mapang nisung 300 dak tema tepsetogo, ta Ethiopia nung ketdangsür kati osangbener dang ita tetenzüklen shia liasü.

Mosque ka kima ethnic Oromo sarasademir lenir ka kasetba sülen March 19 nü azüdokshi ya tenzüka Amhara security forces aser ethnic Oromo civilian tsüngta rara, ta Oromo special zone kübok Jile-Temuga area nung chief administrator, Jemal Hassen Mohammed-i ashi.

Amhara aser danga nung azüdokshi tensa azüoktsü asoshi tesem ajungalen nungi Ato Kilonser Abiy Ahmed ajungshir.

Amhara nung azüdokshiba ajanga Oromo aser Abiy'er Prosperity Party tsüngta tai tongtsüteper.

Amhara aser Oromo lanurtemi küm aika sorkar anema longkak aitba sülen 2018 küm Abiy ya Ethiopia ato kilonser akum.

Iba sülen 2019 küm pai Nobel Peace Prize angu, saka pa indang kümsük nung kin balala tsüngta azüdokshia arur.



RPOK indang 23buba lokti senden agiogo



Kohima, Rongchii/April 19, 2021: Razeba Public Organization Kohima (RPOK) indang lokti senden nung State advisor NPP, Deo Nukhu aser tangartem külemi tangokba noksa ka yangi angur.

Kohima, Rongchii/April 19, 2021 (TYO): Honibarnü (17.04.2021), Razeba Public Organization, Kohima (RPOK) pur 23buba lokti senden agiogo, ta sangdong ka ajanga metetdaksü.

Iba sentong nung, State advisor NPP aser taoba mapang minister Deo Nukhu-i, tesüiba küm ana tejakdang Kohima Zhavame Union küm 25 ajungba benjungmung mungogo aser küm ana sülen RPOK küm 25 ajungba benjungmung amungtsü, ta ashi.

Pai ashiba agi, 1958 küm 'RAZEBBA' ya 'RA' - 'Raziemia', ZE - 'Zelome' aser 'BA' 'Chobama' (tang Tsüpfüme ajar) tenüngtem nungi jatet.

Iba sülen küm ka lir 1959 February ita 'Dupazu' (tang Razeba jila tesem) nung Private ME School tenzüka liasü aser 1964 küm State Government-i (Lhusetsü Venuh, 17-Chizami A/C indang mezüng MLA akümba küm) iba school agizük, ta pai ashi.

1970s tom nung DC, TCK Lotha (IAS) sülen pa melena AM Gokhale (IAS)-i iba mapa agizüka inyakdang, mapangshia Manipur den arrtsü nung mangatetep adokba ajanga

Flipkart ajanga Oppo A54 ayoktsü

New Delhi, Rongchii/April 19, 2021 (Agencies): India nung Oppo-i parnok indang A-series lineup nung Oppo A54 bendenlokba sangdongogo. Iba smartphone ya Oppo A53 den tatongtep alitsü, koba taoba küm sayaogo.

Oppo indang smartphone tasenba nung triple rear camera aser Snapdragon SoC melen MediaTek Helio P35 processor inoka yanglutsüogo. India nung Oppo A54 smartphone April 20, 2021 nungi tenzüka ayoktsü.

Iba smartphone 4GB RAM + 64GB storage option jenjang sen 13,490 aser 4GB RAM + 128GB storage model jenjang sen 14,490 alitsü. Ano, 6GB RAM + 128GB variant ka angutsü aser iba model sen 15,990 alitsü. Oppo A54 ya Crystal Black, Moonlight Gold aser Starry Blue sentsü nung Oppo channel aser Flipkart sabang ajanga angutsü.

Mongolbar anüngdang 12:00 ako nungi tenzüka iba smartphone ayoktsü.

Specification tsütsü repringdangra, Oppo A54 nung 6.51-inch HD+ LCD display den 60Hz refresh rate, 89.2 percent screen-to-body ratio aser 269ppi pixel density keta lir. Octa-core

1980s tetenzüklen Razeba town nung Border Magistrate (BM) ka amenok aser iba sülen NAP Platoon Post ka amenoka liasü. Iba den atongsema lokti tentet ka amenotetsü asoshi nungdaka aküm, ta pai ashi.

1991 küm Razeba Welfare Union ya tentet, kong Pazü Paul Dukru mezüng Chairman ama shim. 1993 küm, 'Pazü Paul Dukru' tentet ya 'Razeba Public Organization' (RPO) agi melen. Iba sülen, jila talisa Pfüterero, Phek, Kohima aser Dimapur nung RPO unit tem amenok.

1959 küm Razeba Center jenjang meyipa repringdangra, tesüiba küm 62 nungi lenla aisü nung asenoki temelenshi jenti ajangshia aruogo, ta pai telok dang ashi.

1993 küm RPO tenzüka arur külen nungi iba tentet küm 28 jungogo. Item küm tsüngda kakat shisatsü bushiba, lenmang yangluba, lokti aser sobaliba tentet balala, jenjang balala nung lennir tajung, rongsenkettsüng aser yimtenren tsütsü temelenshi adokogo, ta pai shisem.

"Ajisüaka, alima kanga kara ainba ajanga tawa tanü yimtenren tsütsü asalentong balala bener arur aser nübutem tarutsü mejangjateti akümer.

MediaTek Helio P3 processor den 6GB RAM aser 128GB onboard storage ajanga phone maparen achaayangtsür.

Memory ulua aginürtemi microSD card ka ajanga phone indang internal memory atsülanga amshitetsü akok. Oppo A54 indang operating system ji Android 10-based ColorOS 7.2 out-of-the-box alitsü.

Camera atema, iba smartphone tesülen triple camera angutsü, koba rectangular module ka nung inokja yanglu aser LED flash dena lir. Iba camera system nung 13-megapixel primary camera den f/2.2 aperture, 2-megapixel macro camera den f/2.4 aperture aser 2-megapixel bokeh camera den f/2.4 aperture inoktsüogo.

Selfie janrgartem atema, iba smartphone tejaklen 16-megapixel selfie camera den f/2.0 aperture angutsü. Tejaklen camera yagi HD video tem tangoktetsü. Tanga feature tsütsü repringdangra, Oppo A54 nung 4G, Wi-Fi, Bluetooth 5, GPS aser 3.5mm audio jack angutsü. A54 battery tasazük 5,000mAh lir aser USB Type-C cable ajanga 18W fast charging support asür.

Nükla tajung yur lenla ajunga nung terenlok lidaktsüba den asen lokti yanglushitsü asoshi, jenjang balala nung shisalen sayur tetemjen teyari agia seminar aser workshop sentong ayongzüksü nungdaker. Iba ama mapatong bener aru nungang nübur tsüngda kati ka angateta aser tesendaktep tajungba akümtsü," ta Nukhu-i ashi.

Rongsenkettsüng renlokba tsütsü asenok tejakleni mao tashibo, kakat shisatsü bushiba degree' kisüng jagi lokti tejakleni aotsü tamakoktsü, ta pai ashi.

Kakat shisatsü bushiba wadang tsütsü maongka tajung mangurtem mesüra tom nungi school toktsür alir lanurtem dang vocational training tem talisa electrician, plumber, carpentry aser masonry agitsü asoshi Nukhu-i ajungshia liasü.

Technical aser professional studies dak alaka, zünga shia meteta alir Naga lanurtem dang sasep tilaka nung danga lennir tajung ka ka akümtsü asoshi shishilembaba tsütsü inyaktü mesüra company mashi ka nung adentsü aser NGOs tajung nung inyaktü ajungshitsüla, ta pai ashi.

Kasa sentong nung, RPOK president Darhü Shupao-i, RPOK ya iba tentet nung züngsemtem kümzüka ayutsü aser parnok ajangzüksü atema dang masü, saka lokti ka ajungtsü aser tejakleni aotsü asoshi ajaki shilem agitetsüsa achaayangba sabang ka lir, ta ashi.

Convenor nomination committee Kekhwengulo Lea-i, 2021-22 kümsük atema RPOK indang team tasen sangdongogo.

Iba sentong nung Sukho Movi menden liasü aser Thonyi Krocha-i tepela anküp o jemb, ta kasa sangdong nung shia lir.

\* 2021-2022 atema RPOK team:

- President- Kekhriezavi Lea
Vice President- Danyi Rhi
General Secretary-Zhovi Zholia
Joint secretary- Vipa Domeh
Treasurer-Sarhiinyi Shupao
Finance secretary- M. Mosonyi Domeh
Cultural secretary- Potokho Rume
Statistical secretary-Davi Venuh
Publicity secretary-Sukho Rume

Longleng District Administration ajanga metetdaksür

Longleng, Rongchi/April 19, 2021 (Agencies):

Hokolbarnü (15.04.2021) DC Conference Hall, Longleng nung lemtetba ama, tanga state nungi Longleng District-i arurtem (returnees) mittsü/repringshimtsü atema iba District kübok yimtsüng aser ward tekolakpur ajak dang pei pei tesem nung teküboklen agüja aliba tutuyubatem nung anidaktsü mepishir.

1. Tanga state nungi Longleng district-i arur ajak anogo 10 atema pei

Office of the Akhoya Students' Union TENÜNGSANG AGÜTSÜR. Rev. Dr. Rongsen Lkr aser Mrs. Takalema na jabaso MR. JONATHAN RONGSEN LONGKUMER, shiba Nagaland Cricket team indang captain lir, pai Naga nung rongnungi mezüng England nung county cricket asayar ka akümba atema Akhoya Shisaluyimer Telongjem kanga nüma atanger. Pai 2021 session atema English Club Morecambe Cricket club, Lancashire nungi asayatsü. Pai iba alizüng tongtetba atema kaketshir telongjem pelar aser pa nem tenüngsang agütsür. Nü sempet ajanga Naga lanurtem maneni ajungmesotsü aser jenjang tuluba ajangzüksütsü onoki sarasademtsür. Sd/- Mr. Sate mmongba President Sd/- Ms. Chubakokla Lkr Gen. Secretary

TENÜNGSANG AGÜTSÜR. Ungma Azüponger Tushin Semchir Telongjem Dimapur rongnungi Late. Bangerkümsük Longkumer jabaso Mr. IMTIANGSHI LONGKUMER-i Inspector General of Prison kübok Deputy Inspector General menden tongteta UATSTD nem konang nüngsang bener arutsüba asoshi telongjemi kanga pelaba lemsateper. Tarutsü nunga nü wadang takokba nung Tsüngremi len aniang ta sarasademtsür. Sd/- Wapang Lkr Secretary, UATSTD

Achila Memorial Rashtra Bhasha Hindi Institute Aongza Ward Mokokchung Admission Open for Session 2021 - 2022. 1. Parambhic/Prathnik : 6 Months 2. Pravesh : 6 months 3. Parichay : 12 months 4. Kovid : 12 months 5. Ratna : 24 months Iba den ano Parichay, Kovid & Ratna Students percentage agi matongertem re-exam agütsütsü admission lapoka lir. Akumla Longkümer Head incharge Achila Memorial R.B.H.I PH: 8415826820 / 9366027471 / 8732013211

ALIAYOKER Old Showuba area near Four Lane 1. Per Sq.ft. Rs. 90 2. Per Sq.ft. Rs.150 9856603713 / 9362576107

The Exalter's Nukshiyim, P.O. Changtongya, Mokokchung. Silver Jubilee nüngtem nung Exalter's ajanga Open Penalty Shot Out ayongzüker. Date : May 3, 2021 1st Prize : Rs. 20,000/- 2nd Prize : Rs. 15,000/- Best Keeper : Rs. 2000/- Admission Fee : Rs. 2000/- only. Venue : Nukshiyim Football Ground Contact : 8787731882, 8730886886

- kidang self isolate/home quarantine asütsüla.
2. Home quarantine mapang returnee tem pa/ la kidang nungi ayazüka aotsü memelar. Iba den külemi kisemer tem nokdangtsüla aser Covid-19 tutuyuba shitak nung anidaktsüla.
3. Returnees indang adianutem mezüngmeshi masütsüla/ bendanga mamshitsüla.
4. Covid-19 wara dak kidang self isolate/home quarantine asütsüla.
5. Aketa aser temang meta shirangba, tango sashitsü timtem chiyongtsü nanga mechitetba mesüra teni agi junga memenemtetba aser tepok perepa aoba mesüra Covid-19 dak sendakba timtem kar danga lira tekolakpurtem dang metetdaksütsüla. Longleng district Covid-19 helpline numbers:- 7005939851/9612927335/ 6009964294/8787614315.

## PDSA-i metongjemi aliba tesemtem semdang



PDSA tir Nezosa Tetseo aser General Secretary Solomon Ritse nati Phonkhuri tesem nung lenirtem nem asaya dang amshiba oset agütsüba noksa nung angur.

**Kohima, Rongchii/April 19 (TYO):** Phek District Sports Association (PDSA)-i, metongjemi aliba federating units tem semdangogo. Parnoki Phonkhuri Area Sports Organisation (PASO) aser Myanmar arrtsü nung aliba Avangkhu yimtsüng semdanga liasü.

PDSA ketdangsurtem sangdong ka ajanga ashiba agi, ketdangsurtemi April 16 nungi 18 tashi tesem balala semdang aser April 17 nü PDSA tir Nezosa Tetseo lenisüba nung senden ka amen.

Senden nung tir-i, tetoktepba

dak aliba saisapong ya telongjem adokdaksütsü, medemer ayimtsü aser profession ka ama agitsü koda tongtibang iba indang lemsatp.

Kasa mapang nung taoba Wrestling Champion, Vekhriyi Chuzho-ia, wrestling asayaba jenjang aser nuklatem indang lemsatpba den Phonkhuri tesem nung iba asaya benoka asayatsü ajungshi. Paisa, tarutsü nung wrestling asaya ajungketsü atema teyari agütsütsü mulunga aliba lemsatp.

Maneni senden nung Phonkhuri Area Sports Organisation (PASO) tir,

Ashelo aser Avangkhu yimtsüng Village Council Chairman (VCC)-ia o tatsütsü jembi.

Kasa sangdong ajanga ashiba agi, Phonkhuri area sports Organisation den sensak asemtsü aser parnoki ajangshiba tetsükdaksütem angadangtsü atema ketdangsurtemi iba tesem semdanga liasü, kechiyong parnok tawa tembangba 36buba PDSA asayamung nung shilem magitet.

Iba tesem semdangba mapang PDSA ketdangsurtemi asaya dang amshiba oset balala agüja liasü.

PDSA-isa, teyari balala atema Superintendent of Police (SP) Phek Vesupra Kezo, Post Commander 22Bn Assam Rifles D' Coy dang kanga pelaba lemsatpogo.

## BAI-i India Open 2021 thinentsüogo

**Rongchii/April 19, 2021 (Agencies):** Delhi aser India ajunga nung coronavirus tashidak keta alir aika potetyonga aoba apir Badminton World Federation-i, India Open 2021 thinena atatsü telemtetba agiba sangdongogo.

India Open ya may 11 nungi 16 tashi asayatsü liasü, saka Covid-19 tashidak kanga kara prokshia aoba ajanga iba asayamung masayatetsüsa kümogo. Taküm ya Olympics asayatsüba küm aser Tokyo Games atema qualification asayamungtem maneni asayayonga odar.

"Asayamung ayonger; Badminton Association of India (BAI)-i YONEX-SUNRISE India Open 2021 thinenogo, koba May 11 nungi 16 tashi asayatsü liasü. Delhi nung local health ketdangsurtem aser Badminton World Federation den angatetteper iba telemtetba agiogo. Asayamung nung shilem agitsüpurtem ajak tekümzüka ka kübok asayamung ayongzüka asayadaksütsü asoshi asayamung ayongertemi takokba tashi inyakogo, ajisüaka Delhi nung tensa apir asayamung thinentsüba dak ali BAI atema tanga lenmang

kecha maliasü," ta BWF-i ashi. BWF World Tour Super 500 asayamung ya Tokyo Olympics atema qualification asayamung anunga aliba ishika rongnung densema liasü aser taküm iba asayamung nung Kenta Momota, Victor Axelsen aser Top-10 nung aliba asayartem aikati den linük 33 nungi asayartemi shilem agitsü liasü. 2021 küm iba asayamung ya terpranger aser media medeni biosecure bubble ka nung asayatsü renemer liasü.

"Tensa apir asayamung thinena atatsüba dak alaka BAI atema tanga lenmang kecha maliasü. Asayamung nung shilem agitsü atema asayar 228 aser coach, support staff aser ketdangsertem densema nisung 300 shi adenshitsü renemer liasü, ajisüaka tensa majung asünung Yonex-Sunrise India Open 2021 ya lendong aketba maparen ka kümogo. BWF, Delhi sorkar aser tanga stakeholder tem den aiben sensaksemogo aser asayar aser ketdangsurtem tekümzüka kübok toktsütsü atema asadanga sülen BAI-i telemtetba agitsüsa aküm," ta BAI General Secretary Ajay Singhanian-i ashi.

## Taoba mapang asayar aser fan temi Super League magizüker

**Rongchii/April 19, 2021 (Agencies):** Linük balala nungi taoba mapang asaya alirtem aser fan temi Europe nung club tongtibang kari tetoktepba tasen ka tenzüka magizüker aser ashiba agi, iba jenjang agiba ya sen atema aser tanüla ka maket; koba ajanga asaya pusemertem samaa odaksütsü, ta ashi.

Europe nung club takartiba 12-i Champions League asayamung den tokteptsü atema Deobarnü Super League asayamung amenokogo aser iba asayamung amenokli nungi ketdangsur aser yimden yimsürtemi iba jenjang agiba aija arudar.

"Iba sentong dak tanüla ka maket," ta Liverpool midfielder Danny Murphy-i BBC dang ashi.

"Iba tetoktepba ajanga kongshitsü aliba league aser federation tem aser fan temi iba jenjang agiba anemba nguogo. Iba sülen manager aser asayartemia iba jenjang agiba anema nokdakba angutsü ta bilemer," ta pai ashi.

Manchester United, Real

## Tottenham-i Mourinhomapa nungi anentsü

**Rongchii/April 19, 2021 (Agencies):** League Cup final asayatsü anogo trok anunga lia Hombarnü Tottenham Hotspur-i coach Jose Mourinho mapa nungi anentsüogo.

Tottenham-i sangdong ka ajanga, Portuguese nung coach aser pa indang coaching staff temi club toktsüogo, ta ashi.

"Jose Mourinho aser pa indang coaching staff Joao Sacramento, Nuno Santos, Carlos Lalin aser Giovanni Cerra nung mapa nungi anentsüba Club-i tanü sangdonger," ta club sangdong ka ajanga metetdaksü.

European Super League tentetba club 12 rongnung Tottenham-a densema lir ta sangdongba sülen tasüngnü parnok indang coach mapa nungi anentsüba osang metetdaksüogo.

Taoba mapang Porto, Chelsea, Inter Milan, Real Madrid aser Manchester United indang manager Mourinho lenisüba nung club asaya 86 asayaogo. Pai 2019 küm November ita Mauricio Pochettino melenzüka liasü.

Premier League nung club jenjang 14buba nung aliba mapang pai coach mapa agizük aser jenjang trokbuba tonga club ani.

Season ajunga pa lenisüba nung asayaba mezüngbuba küm parnoki Manchester United aser Manchester City koka asayamung tenzüker aser

December nungbo parnok temaba jenjang nung liasü. Ajisüaka iba sülen paroki junga masayatet.

Hokolbarnü Everton den asaya goal 2-2 nung tembangba sülen Tottenham pur tang jenjang tenetbuba nung lir aser parnoki taoba league asaya pongu nung ka dang koka lir. Parnok temaba jenjang pezü nung asayamung tembangtsü timla melei kümogo.

Kasa mapang nung Europa League last-16 nunga Dinamo Zagreb 3-0 agi makokba sülen parnok asayamung nungi tuguogo. Parnoki mezüngbuba leg bo 2-0 agi koker liasü.

Mourinho lenisüba nung Tottenham pur League Cup final bo tongtetogo, koba anogo trok lir Manchester City den asayatsü.

Tottenham mendenbuba Daniel Levy, shiba Mourinho shima liasü, pai Hombarnü ashiba agi, parnoki imlaba ama maparentem ataloka mao.

"Club tia tamajung ka nung aliba mapang Jose aser pa indang coaching staff-i onok nem teyari agütsüogo," ta pai ashi.

"Jose ya professional ka aser pai wara pokteter aliba mapang tasü ita inyakba sayuogo. Ni pa den jangradema inyakogo aser künati imlaba ama sentong tem matalokba atema sasar," ta paisa ashi.

Tottenham-i ashiba agi, taoba midfielder Ryan Mason-i first team achaayanga atatsü.

## BILEMDANGANG

"Yongyaa ataba ajanga takok mangur."